

म॒क्षं प्र॒तिग्र॒हीत्रऽइति ॥ २९ ॥ अथ वा॒सः प्र॒त्येति । बृ॒हस्प॒तये वा म॒क्षं व॒रुणो
 द॒दाति॒ति बृ॒हस्प॒तये क्ये॒तद्व॒रुणोऽद॒दात्सोऽमृत॒त्वमशी॒य व॒रुणा॒त्रऽए॒धि म॒यो म॒क्षं
 प्र॒तिग्र॒हीत्रऽइति ॥ ३० ॥ अथा॒श्वं प्र॒त्येति । यमा॒य वा म॒क्षं व॒रुणो द॒दाति॒ति
 यमा॒य क्ये॒तं व॒रुणोऽद॒दात्सोऽमृत॒त्वमशी॒य ह्यो दा॒त्रऽए॒धि व॒यो म॒क्षं प्र॒तिग्र॒
 ही॒त्रऽइति ॥ ३१ ॥ अथ य॒दन्यद॒दाति । का॒मेनै॒व तद॒दाती॒दं मेऽप्य॒मुत्रा॒सदिति
 तत्प्र॒त्येति॒ कोऽदा॒त्कस्मा॒ऽअदा॒त्का॒मोऽदा॒त्का॒माया॒दात् । का॒मो दा॒ता का॒मः प्र॒
 तिग्र॒हीता का॒मैत॒त्तऽइति त॒दे॒वता॒याऽअति॒दिश॒ति ॥ ३२ ॥ तदा॒हुः । न दे॒वता॒या
 ऽअति॒दिशे॒दिदं वै यां दे॒वता॒ऽसमि॒न्दे सा दी॒प्यमा॒ना श्वः-श्वः श्रे॒यसी भव॒तीदं वै
 यस्मि॒न्नग्रा॒वभ्या॒दध॒ति स दी॒प्यमा॒न ए॒व श्वः-श्वः श्रे॒यान्भव॒ति श्वः-श्वो ह वै श्रे॒या॒
 न्भव॒ति य ए॒वं वि॒द्वान्प्र॒तिगृ॒ह्णाति तद्यथा॒ समि॒न्दे जुहु॒यादे॒वमे॒तां जुहो॒ति याम॒
 धीय॒ते द॒दाति तस्मा॒दधी॒यन्नाति॒दिशे॒त् ॥ ३३ ॥ ब्रा॒ह्मणम् ॥ १ [३. ४.] ॥ ॥

त्रया वै दे॒वाः । व॒सवो रु॒द्रा आ॒दि॒त्यास्तेषां वि॒भक्ता॒नि स॒वनानि व॒सूनामे॒व
 प्रा॒तःस॒वनं रु॒द्राणां मा॒ध्यन्दि॒नं स॒वनमा॒दि॒त्यानां तृ॒तीयस॒वनं तद्वाऽअ॒मिश्रमे॒व
 व॒सूनां प्रा॒तःस॒वनम॒मिश्रं रु॒द्राणां मा॒ध्यन्दि॒नं स॒वनं मि॒श्रमा॒दि॒त्यानां तृ॒तीय॒
 स॒वनम् ॥ १ ॥ ते ह्या॒दि॒त्या ऊ॒चुः । यथे॒दम॒मिश्रं व॒सूनां प्रा॒तःस॒वनम॒मिश्रं रु॒द्रा॒
 णां मा॒ध्यन्दि॒नं स॒वनमे॒वं न इ॒मं पु॒रा मि॒श्राद्ब॒हं जुहु॒येति तथे॒ति दे॒वा अब्रु॒वं॒
 स्ते स॒ऽस्थि॒तऽए॒व मा॒ध्यन्दि॒ने स॒वने पु॒रा तृ॒तीयस॒वना॒दे॒तम॒जुह॒वुः स एषोऽप्ये॒
 तर्हि तथै॒व ग्र॒हो हू॒यते स॒ऽस्थि॒तऽए॒व मा॒ध्यन्दि॒ने स॒वने पु॒रा तृ॒तीयस॒वनात्
 ॥ २ ॥ ते ह्या॒दि॒त्या ऊ॒चुः । ने॒व वाऽइ॒तर॒स्मिन्स॒वने स्मो ने॒वे॒तर॒स्मिन्य॒द्वे नो र॒
 क्षा॒सि न हि॒ऽस्यु॒रिति ॥ ३ ॥ ते ह॒ द्वि॒दे॒वत्या॒नूचुः । र॒क्षोभ्यो वै वि॒भीमो ह॒न्त
 युष्मा॒न्प्रवि॒शामे॒ति ॥ ४ ॥ ते ह॒ द्वि॒दे॒वत्या॒ ऊ॒चुः । कि॒मस्मा॒कं त॒तः स्या॒दि॒त्यस्मा॒
 भिर॒नुव॒षट्कृ॒ता भवि॒ष्ये॒त्यु ह्या॒दि॒त्या ऊ॒चुस्तथे॒ति ते द्वि॒दे॒वत्या॒न्प्रा॒विशन् ॥ ५ ॥